

KUGLAŠKI SAVEZ BiH
Predsjedništvo KS BiH
Ilijaš, 15.06.2008. godine

I Z V J E Š T A J

o radu Predsjedništva za 2007. godinu

U protekloj godini Predsjedništvo je održalo 5 sjednica, na kojima je raspravljano o tekućoj problematici i drugim pitanjima od značaja za funkcionisanje saveza, u mjeri u kojoj je to bilo moguće a zbog nemogućnosti sazivanja sjednica, zbog toga što neki članovi Predsjedništva nisu mogli prisustvovati sjednicama iz određenih razloga ali i zbog stalnog problema koji je vezan za nedostatak finansijskih sredstava.

Ukazano na neke značajke u protekloj godini.

- Gospodin Ševal Bašić preuzeo je funkciju Predsjednika od gospodina Andrije Ostojića;
- Nakon ostavke komesara su enja, gospodina Alije Tihića, imenovan novi komesar, gospodin Ahmed Karzi ;
- Nakon ostavke gospodina Jove Boltića, za selektora ženske seniorske reprezentacije imenovan gospodin Darko Lacković ;
- Odlučeno da se gospodinu Slobodanu Sjeniću, direktoru Reprezentacija KS BiH dodijeli priznanje za doprinos u međunarodnim takmičenjima;
- Potpisan ugovor sa NBC o organizaciji Svjetskog prvenstva za kadete i seniore 2011. godine;
- Reprezentacije kadeta i seniora učestvovala na Svjetskom prvenstvu u Košicima;
- Kadetska i seniorska reprezentacija igrala prijateljske utakmice sa Srbijom u Beogradu;
- Reprezentacija seniori/ke odigrale prijateljski susret sa reprezentacijom Hrvatske u Banjaluci;
- Ženska i muška seniorska selekcija učestvovala na revijalnom turniru u Šamcu;
- Održana Skupština KS BiH – Kakanj, 02.06.2007. godine;
- Naša delegacija učestvovala na Konferenciji NBC u Crikvenici;
- Održana takmičenja u Mix-u, Sprint-u za seniore i seniorke, takmičenja za kadete te redovna takmičenja u Premijer ligi za seniore/ke – 1.dio;

Ukratko ćemo reći i nekoliko riječi o ovim nabrojanim stavkama.

Rotacija u Predsjedništvu uslijedila je na uobičajeni način nakon što je gospodin Ostojić obavljao funkciju Predsjednika 16. mjeseci, u februaru 2007. godine.

Gospodin Tihić je podnio ostavku na mjesto Komesara su enja pa je Predsjedništvo imenovalo, Saveznog sudiju, gospodina Karzića za novog komesara a u skladu sa principom da su dva komesara iz Federacije Bosne i Hercegovine a dva iz Republike Srpske.

Nakon Svjetskog prvenstva u Skopju, selektor ženske seniorske reprezentacije gospodin Bolti podnio je ostavku iako je njegov izvještaj sa tog prvenstva prihvaćen. Za novog selektora za Svjetsko prvenstvo u Košicama imenovan je gospodin Lacković.

Za veoma kratko vrijeme, od kada se uključio u rad organa KS BiH, gospodin Sjenčić ostavio je utisak čovjeka koji je spreman dati veliki doprinos razvoju kuglanja na ovim prostorima. Uvažavajući i napore gospodina Sjenčića, a naročito u realizaciji međunarodnog programa Predsjedništvo je iniciralo i dodjeljujući odgovarajuća priznanja, direktoru reprezentacije KS BiH. To priznanje dodijeljeno mu je na revijalnom susretu u Šamcu.

Kuglaški savez BiH je uvijek spreman prihvatiti organizaciju značajnih međunarodnih takmičenja tako da smo potpisali novi ugovor sa NBC, iako smo već prije prihvatili Svjetsko ekipno prvenstvo seniora/ki, zbog toga što je odluka NBC da kadeti i seniori igraju iste godine u istoj državi.

Na Svjetskom prvenstvu u Košicama učestvovala je selekcija kadeta i seniora/ki.

Rezultati; Ekipno seniorke 10 mjesto, seniori 12 mjesto. Mix par Kalat-Selimović svjetski rekord, oboje dobili priznanje NBC. Naši takmicari nastupili su u disciplini sprint. Kadeti u ekipnoj konkurenciji zauzeli 10 mjesto. U disciplini sprint Knežević Mario osvojio bronзанu medalju a Nursphahić Adnel oborio svjetski rekord također u disciplini sprint. Za ovaj rezultat dobio priznanje NBC i Sportskog saveza Bosne i Hercegovine. U kombinaciji veoma dobar rezultat postigao je Avđagić Mirza koji je zauzeo 15 mjesto.

U okviru priprema za reprezentativne nastupe održani su prijateljski susreti sa Hrvatskom i Srbijom u konkurenciji seniora/ki i kadeta. Sa Hrvatskom smo igrali u Banjaluci a sa Srbijom u Beogradu. Dogovoreno je da se ti susreti nastave, na bazi reciprociteta. Utisci sa oba susreta su veoma pozitivni a kada smo gostovali u Beogradu, KS Srbije nam je ponudio da 5-8 naših kadeta-omladinaca besplatno učestvuju na kampu koji oni organizuju kao i naši stručnjaci na njihovim seminarima.

Na poziv direktora reprezentacije Predsjedništvo je prihvatilo da reprezentacija gostuje u Šamcu a u cilju promocije kuglanja u ovom gradu. Domaćin, SO Šamac, obezbjedio je sve uslove za reprezentaciju seniora/ki od smještaja, hrane, kuglane, bili smo na prijemu kod Nađevića i proveli dva lijepa dana kod gostoljubivih domaćina. Zato je donešena odluka da se uputi pismo zahvalnosti KS Srbije.

Na Skupštini KS BiH, koja je održana u Kaknju, došlo je do donošenja značajnih odluka.

- Broj članova Predsjedništva KS BiH smanjen je sa 9 na 7 i to 4 člana iz FBiH a 3 iz RS (od izborne Skupštine 2008. godine);
- Premijer liga proširena je sa 10 na 12 članova (od sezone 2007-08);
- Utakmice Premijer lige mogu se igrati samo na pločama (od sezone 2008-09);
- Usvojeni pravilnici o radu Nadzornog odbora i Sportske arbitraže;
- Statut usklađen sa novonastalim izmjenama;
- Izmjenjeni i dopunjeni neki članovi pravilnika KS BiH;
- Umjesto Podpredsjednika Skupštine gospodina Tihića, koji je podnio ostavku, izabran gospodin Hamzić;
- Umjesto gospodina Tihića za člana Sportske arbitraže izabran gospodin Mehmed Bajtarević.

Prema odluci Predsjedništva na konferenciju u Crikvenici trebaju prisustvovati Predsjednik Predsjedništva i Generalni sekretar KS BiH. Međutim zbog raznih problema

na konferenciji je bila prisutna, sama, gospođa Bibija Kerla – Generalni sekretar KS BiH.

Takmičenja koja su bila u kalendaru KS BiH održana u skladu sa propisima KS BiH. Neki zadaci koje je Skupština postavila pred Predsjedništvo nisu realizovani, tako da nije bilo sastanka sa Ministrom za civilne poslove i komunikacije, nije urađen pravilnik o nagradama i priznanjima, nisu razrađeni provedbeni akti za provođenje osnovnih pravaca razvoja kuglaškog sporta.

Zbog prethodno izrečene konstatacije, da Predsjedništvo često nije bilo u mogućnosti obezbijediti kvorum za sjednicu, ovi poslovi nisu završeni pa je odluka o smanjenju broja članova Predsjedništva, potpuno opravdana. Problem koji prati funkcionisanje KS BiH je nedostatak finansijskih sredstava da bi se mogli planirati, pripremiti, i provoditi, adekvatni programi. Pored toga, Predsjednik Predsjedništva, gospodin Ševal Bašić, podnio je ostavku na mjesto Predsjednika, zbog sukoba interesa, tako da je to dodatno zakomplikovalo funkcionisanje saveza. Novo rukovodstvo Saveza, koje će biti izabrano na izbornoj Skupštini, mora se maksimalno angažovati na potpunoj implementaciji zaključaka i odluka Skupštine KS BiH. Pored toga uočene nedostatke u Pravilnicima KS BiH treba ispraviti, uskladiti određene članove u pojedinim pravilnicima i članove izmeđ u pravilnika kako nebi bilo kolizije ili mogućeg tumačenja na više načina, pojasniti ih u potpunosti.

Takmičenja koja su održana u organizaciji organa KS BiH, protekla su bez većih problema, koji bi iziskivali posebne reakcije ili odluke. Valja ipak primjetiti da naša Premijer liga funkcionise na amaterskom principu, ovde mislimo na odnose u klubovima kao i odnose klubova prema takmičenju i Savezu. Neplanirane kotizacije na vrijeme, u skladu sa Odlukom, zatim zakazivanje promjene termina odigravanja utakmica, nekompletna oprema takmičarske ekipe, propusti u organizaciji utakmica i drugih stvari. Činjenica je da niko do sada nije sankcionisan za uvođene propuste, ni klubovi ni pojedinci, sudije ili funkcioneri. Dok god je tako, nemožemo očekivati pravi napredak, ni u kvalitetu igranja i postizanju vrhunskih rezultata ali ni u funkcionisanju Saveza.

O takmičenjima više iz izvještaja Komesara, zaduženih za pojedine aktivnosti.

Takođe odnosi udruženih članova u KS BiH nisu u potrebnoj harmoniji ali se nadamo da će organizacija Saveza u skladu sa novim Zakonom o sportu riješiti određene probleme, prije svega zbog bolje komunikacije, u budućnosti to će biti dvije strane, KS RS i KS FBiH.

Na kraju, i u 2008. godini, očekuju nas značajna takmičenja, pored redovnih u organizaciji KS BiH, kao što je Svjetsko pojedinačno prvenstvo u Banjaluci, te takmičenja naših klubova na međunarodnoj sceni, tako da je potrebno u što kraćem roku riješiti navedene probleme kako bi što bolje predstavili Bosnu i Hercegovinu cjelokupnoj domaćoj i svjetskoj javnosti.

PREDSJEDNIŠTVO KS BiH